

Na osnovu članova 8. i 32. Statuta SPKD „Prosvjeta“ Sarajevo, te članova 3. i 5. Pravilnika o dodjeli stipendija učenicima i studentima SPKD „Prosvjeta“ Upravni odbor SPKD „Prosvjeta“ Sarajevo raspisuje:

## KONKURS

za dodjelu stipendija učenicima i studentima u školskoj/akademskoj 2019/2020 godini

### I

Raspisuje se konkurs za dodjelu stipendija za školsku/akademsku 2019/2020 godinu.

### II

Stipendije se dodjeljuju za akademsku 2019/2020 godinu i isplaćivaće se za 10 (deset) mjeseci trajanja školske/akademske godine.

Iznos stipendije za učenike osnovne škole je 80 KM mjesečno (800 KM za cijelu školsku godinu).

Iznos stipendije za učenike srednje škole je 100 KM mjesečno (1000 KM za cijelu školsku godinu).

Iznos stipendije za studente je 120 KM mjesečno (1200 KM za cijelu akademsku godinu).

### III

Uslovi za dodjelu stipendija su:

da je kandidat državljanin BiH,

da kandidat i članovi porodičnog domaćinstva imaju prebivalište na području kantona Sarajevo,

da je kandidat redovan učenik/student koji prvi put upisuje školsku/akademsku godinu i

da nije korisnik stipendije po drugom osnovu.

### IV

Pravo učešća na konkursu imaju redovni učenici srednjih škola sa prosjekom ocjena 3,5 i više i redovni studenti prvog i drugog ciklusa studija na jednoj od javnih visokoškolskih ustanova, sa prebivalištem na području kantona Sarajevo, sa prosjekom ocjena 7,5 i više, a koji nisu korisnici stipendija ili drugog oblika novčane naknade koja ima obilježje stipendije od nekog drugog pravnog ili fizičkog lica.

### V

Stipendija može biti dodijeljena samo jednom učeniku, odnosno jednom studentu iz iste porodice. Ukoliko pravo za dobijanje stipendije ostvare učenik i student iz iste porodice, stipendija se dodjeljuje studentu.

### VI

Uz prijavu na konkurs za dodjelu stipendija kandidati su dužni priložiti:

- Zahtjev za dodjelu stipendije (dostupan na web stranici ili u prostorijama Društva);
- uvjerenje o državljanstvu,
- biografiju kandidata (za učenike srednje škole i studente)
- uvjerenje o stalnom mjestu prebivališta (CIPS), izdatom nakon objavljivanja konkursa,
- uvjerenje o redovnom upisu u školsku/akademsku godinu,
- fotokopija svjedočanstva o prethodno završenom razredu ili fotokopija školske knjižice, potvrda visokoškolske ustanove o položenim ispitima i prosječnoj ocjeni kandidata ostvarenoj u prethodnoj akademskoj godini, kopija indexa sa stranicama upisanih predmeta po semestrima i ocjenama,
- pismena izjava kandidata (ili roditelja ili staratelja ukoliko se radi o maloljetnoj osobi) da li je do sada bio korisnik stipendije, kredita ili drugog oblika novčane naknade koja ima obilježje stipendije od drugog pravnog ili fizičkog lica (obrazac izjave dostupan na web stranici ili u prostorijama Društva),
- pismena izjava kandidata (ili roditelja ili staratelja ukoliko se radi o maloljetnoj osobi) da niko od članova porodičnog domaćinstva nije korisnik stipendije ove Fondacije,
- dokaz o osvojenom jednom od prva tri mjesta na opštinskom, entitetskom, državnom ili međunarodnom takmičenju,
- kućnu listu,
- dokaz o broju članova porodičnog domaćinstva koji redovno pohađaju osnovu školu, srednju školu ili fakultet,
- potvrda SPKD "Prosvjeta" o volontiranju ili drugoj vrsti aktivnog članstva, kao i potvrdu o plaćenju članarini u SPKD „Prosvjeta“ za kandidata ili jednog od roditelja ili staratelja ukoliko je kandidat maloljetno lice (fotokopija potvrde o plaćenju članarini ili članske karta),
- dokaz o ukupnim mjesečnim primanjima/prihodima za punoljetne članove porodičnog domaćinstva (izuzev onih koji imaju status redovnog učenika ili studenta) po osnovu: radnog odnosa (platna lista za poslednji mjesec), penzije (ček od penzije za poslednji mjesec), samostalne djelatnosti (dokaz da punoljetni članovi porodičnog domaćinstva – osim onih koji imaju

status redovnog učenika ili studenta - nemaju ili imaju samostalnu privrednu djelatnost (imaju sa iskazanim mjesečnim odnosno godišnjim primanjima), boračko-invalidske zaštite (čekovi o uplatama dodatka za poslednji mjesec) i po drugim osnovama a za punoljetne i nezaposlene članove domaćinstva uvjerenje Zavoda za zapošljavanje (a ako lice nije prijavljeno na Biro za zapošljavanje, uvjerenje ispostave Porezne uprave) i dokaz o eventualnim socijalnim naknadama,

- dokaz za roditelje: dijete bez jednog ili oba roditelja (izvod iz matične knjige umrlih), dokaz o invaliditetu roditelja (preko 80%),
- dokaz o ličnom invaliditetu kandidata za dodjelu stipendije (preko 60%),
- uvjerenje o nekažnjavanju i uvjerenje da se ne vodi krivični postupak protiv podnosioca zahtjeva (ukoliko je kandidat punoljetan),
- preporuke (ukoliko su dostupne).

## VII

Konkurs ostaje otvoren 15 (petnaest) dana od dana objavljivanja, a isti će biti objavljen na oglasnoj ploči i web stranici SPKD „Prosvjeta“ Sarajevo.

Komisija za dodjelu stipendija razmotriće pristigle prijave na konkurs, sačiniti zapisnik o radu, izvršiti bodovanje i utvrditi privremenu rang listu kandidata koji ispunjavaju uslove propisane konkursom. Privremena rang lista kandidata za dodjelu stipendija objavljuje se na oglasnoj ploči i web stranici SPKD „Prosvjeta“ Sarajevo. Na privremenu rang listu se može izjaviti prigovor Upravnom odboru Društva u roku od 7 (sedam) dana od dana objavljivanja iste. Odluka Upravnog odbora po prigovoru je konačna. Nakon rješavanja prigovora Upravni odbor utvrdiće konačnu rang listu kandidata za dodjelu stipendija, koja se objavljuje na oglasnoj ploči i web stranici SPKD „Prosvjeta“ Sarajevo.

Nakon provedenog postupka biće objavljeno mjesto i vrijeme potpisivanja ugovora o stipendiranju i način isplate stipendije.

## VIII

Fotokopije koje se predaju kao prateća dokumentacija na konkurs ne moraju biti ovjerene, ali kandidat je u obavezi da u slučaju dobijanja stipendije, prije zaključivanja ugovora o stipendiranju dostavi ovjerene fotokopije potrebne dokumentacije. Uvjerenje o nekažnjavanju za punoljetne kandidate nije obavezno predati prilikom prijave na konkurs, ali je kandidat u obavezi da u slučaju dobijanja stipendije, prije zaključivanja ugovora o stipendiranju dostavi navedeno uvjerenje. U slučaju neispunjavanja prethodnih stavki kandidat gubi pravo na dodjelu stipendije.

## IX

Neblagovremene i nepotpune prijave neće se uzeti u razmatranje.

Prijave na konkurs sa dokumentacijom dostaviti na adresu:

SPKD „Prosvjeta“ Sarajevo

Sime Milutinovića Sarajlije 1

71000 Sarajevo

Ili lično u prostorijama Društva, svakim radnim danom od 10 do 15 časova.

Sarajevo, 30.08.2019. godine

Na osnovu člana Statuta SPKD "Prosvjeta" Sarajevo, Upravni odbor Društva, na sjednici održanoj dana 28.05.2019. godine, usvojio je

**PRAVILNIK  
O DODJELI STIPENDIJA  
učenicima i studentima**

**I. OPŠTE ODREDBE**

**Član 1.**

Pravilnikom o dodjeli stipendija učenicima i studentima (u daljem tekstu: Pravilnik) propisuju se način, uslovi i kriterijumi za dodjelu stipendija učenicima i studentima (u daljem tekstu: stipendista), kao i prava, obaveze i odgovornosti Fonda za stipendiranje SPKD "Prosvjeta" (u daljem tekstu: Fond) i stipendiste.

**Član 2.**

Pod stipendijom se podrazumijeva mjesečna novčana naknada stipendisti koji ispuni uslove propisane ovim Pravilnikom.

Stipendija se dodjeljuje za deset mjeseci u školskoj/akademskoj godini i to jednokratno ili u dva jednaka polugodišnja iznosa, u zavisnosti od odluke Upravnog odbora Društva.

Stipendija ima isključivu namjenu:

- a) da materijalno pomogne stipendiste slabijeg materijalnog stanja,
- b) za izuzetno nadarene učenike i studente,
- c) za oblasti od posebnog interesa za SPKD "Prosvjeta",

Stipendija može biti redovna i posebna.

**Član 3.**

Redovna stipendija se dodjeljuje na osnovu odluke Upravnog odbora SPKD "Prosvjeta" (u daljem tekstu: Upravni odbor) a u skladu sa odredbama ovog Pravilnika.

Posebnu stipendiju Upravni odbor dodjeljuje izuzetno nadarenim učenicima i studentima, u skladu sa ovim Pravilnikom.

Visinu i broj stipendija, prije raspisivanja javnog poziva, svojom odlukom određuje Upravni odbor za svaku školsku/akademsku godinu u skladu sa raspoloživim finansijskim sredstvima, odnosno planom finansijskog poslovanja i iskazanim potrebama.

## **II. FOND**

### **Član 4.**

Fond predstavlja jednu od programskih aktivnosti SPKD "Prosvjeta" Sarajevo (u daljem tekstu Društvo), te se na njegov rad primjenjuju Statut i ostali akti Društva.

Izvor finansiranja Fonda je početni kapital i dobrovoljni prilozi pravnih i fizičkih lica donirani u cilju stipendiranja učenika i studenata slabijeg materijalnog stanja, posebno nadarenih učenika i studenata, te ostala sredstva iz prihoda Društva o čemu odluku donosi Upravni odbor Društva.

Ostali izvori finansiranja su dobrotvorni koncerti, prodajne izložbe i druge manifestacije sličnog karaktera.

Fond može primati novčana sredstva u svim vidovima i oblicima, kao i pokretna i nepokretna materijalna dobra, te intelektualnu svojinu koja se prenosi na Društvo.

### **Član 5.**

Upravni odbor, u svrhu dodjeljivanja stipendija, vrši slijedeće poslove:

- donosi odluku o raspoloživim finansijskim sredstvima za dodjelu stipendija za narednu školsku/akademsku godinu,
- utvrđuje ukupan broj stipendija za narednu školsku/akademsku godinu,
- utvrđuje vrstu zanimanja visokoškolskog obrazovanja za koje se dodjeljuje stipendija ukoliko za ovakvom odlukom postoji potreba,
- utvrđuje visinu stipendije za narednu školsku/akademsku godinu,
- raspisuje konkurs – (u daljem tekstu: javni poziv) za dodjelu stipendija u skladu sa odredbama ovog Pravilnika,
- imenuje komisiju za odlučivanje po zahtjevima za dodjelu stipendija u prvom stepenu,
- donosi pojedinačnu odluku za svakog stipendistu kome je dodijeljena stipendija (redovna ili posebna) na osnovu mišljenja komisije,

### **Član 6.**

Upravni odbor, u skladu sa raspoloživim finansijskim sredstvima, može odlučiti da u toku jedne školske/akademske godine, pored redovnih stipendija, dodijeli jednu ili više posebnih stipendija izuzetno nadarenim učenicima srednjih škola, odnosno studentima visokoškolskih ustanova, odnosno studentima postdiplomskih studija, specijalizacija i drugih oblika stručnog usavršavanja, u skladu sa kriterijima propisanim ovim Pravilnikom.

### **Član 7.**

Redovna stipendija se dodjeljuje:

- učenicima osnovnih i srednjih škola
- studentima I i II ciklusa.

### **III. JAVNI POZIV**

#### **Član 8.**

Na osnovu odluke Upravnog odbora, Društvo će na svojoj internet stranici objaviti javni poziv za dodjelu stipendija

#### **Član 9.**

Javni poziv za dodjelu stipendije sadrži:

- naziv i sjedište Društva
- namjenu, visinu i broj stipendija
- opšte i posebne kriterije za dodjelu stipendije
- potrebnu dokumentaciju na osnovu koje se vrši bodovanje kandidata
- vrijeme trajanja konkursa,
- druge potrebne podatke o stipendijama.

#### **Član 10.**

Sastavni dio javnog poziva je obrazac zahtjeva za dodjelu stipendija koji se, uz javni poziv, objavljuje na internet stranici Društva, ili se može preuzeti u prostorijama Društva.

Izgled i sadržaj obrasca utvrđuje Upravni odbor Društva.

#### **Član 11.**

Javni poziv za dodjelu redovne stipendije raspisuje se tokom godine, zavisno od potreba i raspoloživih finansijskih sredstava, ali ne više od jednom u toku školske/akademske godine.

### **IV. KRITERIJI ZA DODJELU STIPENDIJE**

#### **Član 12.**

Pravo na redovnu stipendiju ove Fondacije mogu ostvariti učenici i studenti koji ispunjavaju opšte i posebne kriterije propisane ovim Pravilnikom.

#### **Član 13.**

**Opšti kriteriji za dodjelu stipendije:**

- da je kandidat državljanin Bosne i Hercegovine,
- da ima prebivalište na području Kantona Sarajevo,
- da je član SPKD "Prosvjeta", ili u slučaju da se radi o maloljetnoj osobi da je jedan član domaćinstva član Društva,
- da nije kažnjavan i da se protiv njega ne vodi krivični postupak,



- da je redovan učenik osnovne ili srednje škole, odnosno da je redovan student na jednoj od javnih visokoškolskih ustanova i da do vremena podnošenja prijave nije ponavljao godinu školovanja/studija.

**Posebni uslovi za dodjelu stipendija:**

- da je učenik, odnosno student prve godine studija, u prethodnoj školskoj godini ostvario prosjek ocjena od najmanje 3,5,
- da je student u prethodnoj akademskoj godini ostvario prosjek ocjena od najmanje 7,5,
- da je slabijeg materijalnog stanja - socijalni status porodice (prosječna primanja, broj članova porodičnog domaćinstva, invalidnost, i dr.) se uzima u obzir pri odlučivanju,
- da niko od članova uže porodice nije korisnik stipendije ove Fondacije,
- da nije korisnik stipendije ili drugog oblika novčane naknade koja ima obilježje stipendije od nekog drugog pravnog ili fizičkog lica.

**Član 14.**

Pravo na stipendiju ne može ostvariti:

- učenik odnosno student koji je u toku školovanja obnavljao školsku/akademsku godinu,
- studenti u radnom odnosu i vanredni studenti,
- učenik odnosno student koji prekine redovno školovanje odnosno studiranje iz bilo kog razloga.

**Član 15.**

Kandidat za dobijanje redovne stipendije, nakon raspisanog javnog poziva, podnosi zahtjev sa potrebnom dokumentacijom na obrascu zahtjeva.

**Član 16.**

Upravni odbor, imenuje komisiju za provođenje postupka dodjele redovnih i posebnih stipendija (u daljem tekstu: Komisija). Komisija broji 3 (tri) člana a svoje odluke donosi natpolovičnom većinom.

Komisija, po zatvaranju javnog poziva, pristupa utvrđivanju ukupnog broja prijavljenih kandidata po svakom raspisanom javnom pozivu, utvrđivanju kandidata koji ispunjavaju propisane uslove i pristupa bodovanju samo onih kandidata koji ispunjavaju propisane uslove radi sačinjavanja rang liste.

**Član 17.**

Prijedlog odluke sa rang listom studenata kojima se dodjeljuje stipendija donosi Komisija, te je prosljeđuje Upravnom odboru Društva.

**Član 18.**

Nezadovoljni kandidat može podnijeti prigovor Upravnom odboru u roku od 7 dana od dana objavljivanja prijedloga odluke.

Po prigovoru iz prethodnog stava odlučuje Upravni odbor.

Odluka o dodjeli redovne stipendije je konačna po isteku roka predviđenog za prigovor ukoliko nije bilo prigovora, odnosno danom odlučivanja po dostavljenom prigovoru.

## **V. STIPENDIJE ZA IZUZETNO NADARENE UČENIKE I STUDENTE**

### **Član 19.**

Pravo na posebnu stipendiju za izuzetno nadarene učenike, u skladu sa ovim Pravilnikom, imaju učenici srednjih škola i studenti koji ostvaruju izuzetan uspjeh, ili je njihova oblast školovanja od posebnog interesa za Društvo.

### **Član 20.**

Odluku o visini i broju posebnih stipendija, te o samoj dodjeli donosi Upravni odbor Društva.

### **Član 21.**

Sa učenikom/studentom koji je ostvario pravo na dodjelu stipendije zaključuje se ugovor o stipendiranju.

Izgled i sadržaj obrasca utvrđuje Upravni odbor Društva.

## **VI. DOKAZ O ISPUNJAVANJU KRITERIJA**

### **Član 22.**

Kao dokaz o ispunjavanju opštih i posebnih kriterija propisanih ovim Pravilnikom, kandidat koji konkuriše za dodjelu redovne stipendije, prilaže slijedeću dokumentaciju:

- uvjerenje o državljanstvu,
- uvjerenje o stalnom mjestu prebivališta, izdatom nakon objavljivanja konkursa,
- uvjerenje o redovnom upisu u školsku/akademsku godinu,
- ovjerena fotokopija-e svjedočanstva o prethodno završenom razredu ili ovjerena fotokopija školske knjižice, potvrda visokoškolske ustanove o položenim ispitima i prosječnoj ocjeni kandidata ostvarenoj u prethodnoj akademskoj godini,
- pismena izjava kandidata da li je do sada bio korisnik stipendije, kredita ili drugog oblika novčane naknade koja ima obilježje stipendije od drugog pravnog ili fizičkog lica, kao i da niko od članova porodičnog domaćinstva nije korisnik stipendije ove Fondacije,
- dokaz o osvojenom jednom od prvih tri mjesta na opštinskom, entitetskom, državnom ili međunarodnom takmičenju,
- kućnu listu,
- dokaz o broju članova porodičnog domaćinstva koji redovno pohađaju osnovu školu, srednju školu ili fakultet,
- potvrda SPKD "Prosvjeta" o volontiranju ili drugoj vrsti aktivnog članstva,

- dokaz o ukupnim mjesečnim primanjima/prihodima za punoljetne članove porodičnog domaćinstva (izuzev onih koji imaju status redovnog učenika ili studenta) po osnovu: radnog odnosa (platna lista za poslednji mjesec), penzije (ček od penzije za poslednji mjesec), samostalne djelatnosti (dokaz da punoljetni članovi porodičnog domaćinstva – osim onih koji imaju status redovnog učenika ili studenta - nemaju ili imaju samostalnu privrednu djelatnostimaju sa iskazanim mjesečnim odnosno godišnjim primanjima), boračko-invalidske zaštite (čekovi o uplatama dodatka za poslednji mjesec) i po drugim osnovama a za punoljetne i nezaposlene članove domaćinstva uvjerenje Zavoda za zapošljavanje i dokaz o eventualnim socijalnim naknadama,
- dokaz za roditelje: dijete bez jednog ili oba roditelja (izvod iz matične knjige umrlih), dokaz o invaliditetu roditelja (preko 80%),
- dokaz o ličnom invaliditetu kandidata za dodjelu stipendije (preko 60%),
- uvjerenje o nekažnjavanju i uvjerenje da se ne vodi krivični postupak protiv podnosioca zahtjeva (za punoljetne kandidate).

## VII. BODOVANJE KANDIDATA ZA STIPENDIJE

### Član 23.

Broj bodova za svakog kandidata koji ispunjava propisane kriterije, utvrđuje se na slijedeći način:

#### **Prosječna ocjena ostvarena u prethodnoj školskoj/akademskoj godini:**

- 1) učenik koji u prethodnoj školskoj godini ostvari:
  - prosječnu ocjenu 3,5 dobija ..... 40 bodova
  - prosječnu ocjenu 4,0 dobija ..... 42 bodova
  - prosječnu ocjenu 4,2 dobija ..... 44 bodova
  - prosječnu ocjenu 4,5 dobija ..... 46 bodova
  - prosječnu ocjenu 4,75 dobija ..... 48 bodova
  - prosječnu ocjenu 5,0 dobija ..... 50 bodova
- 2) student koji u prethodnoj godini ostvari prosječnu ocjenu od 7,5 do 8,0 dobija 30 bodova
- 3) student koji u prethodnoj godini ostvari prosječnu ocjenu od 8,1 do 9,0 dobija 35 bodova
- 4) student koji u prethodnoj godini ostvari prosječnu ocjenu od 9,1 do 9,5 dobija 40 bodova
- 5) student koji u prethodnoj godini ostvari prosječnu ocjenu od 9,6 do 10,0 dobija 50 bodova

#### **Ostvareni rezultati na takmičenjima:**

- 1) za ostvaren uspjeh (jedno od prva tri mjesta) na međunarodnom takmičenju kandidatu se dodjeljuje 10 bodova
- 2) za ostvaren uspjeh (jedno od prva tri mjesta) na državnom takmičenju kandidatu se dodjeljuje 5 bodova
- 3) za ostvaren uspjeh (jedno od prva tri mjesta) na entitetskom takmičenju kandidatu se dodjeljuje 3 boda
- 4) za ostvaren uspjeh (jedno od prva tri mjesta) na kantonalnom ili opštinskom takmičenju kandidatu se dodjeljuje 1 bod

Kada je kandidat iz jednog predmeta osvojio više pojedinačnih mjesta na takmičenju uzima se u obzir najbolje ostvareni rezultat, odnosno najveći broj bodova.

**Prosječna primanja po članu domaćinstva:**

- |   |           |
|---|-----------|
| 1) domaćinstvo bez primanja .....                             | 30 bodova |
| 2) primanja po članu domaćinstva do 200,00 KM .....           | 15 bodova |
| 3) primanja po članu domaćinstva od 200,00 do 300,00 KM ..... | 10 bodova |
| 4) primanja po članu domaćinstva od 300,00 do 400,00 KM ..... | 5 bodova  |
| 5) primanja po članu domaćinstva od 400,00 do 500,00 KM ..... | 2 boda    |
| 6) primanja po članu domaćinstva od 500,00 KM i više .....    | 0 bodova  |

**Broj učenika i studenata u porodičnom domaćinstvu:**

- |                                      |          |
|--------------------------------------|----------|
| 1) jedan učenik/ student .....       | 2 boda   |
| 2) dva učenika/studenta .....        | 4 boda   |
| 3) tri i više učenika/studenta ..... | 6 bodova |

**Invalidnost:**

- |   |          |
|---|----------|
| 1) po osnovu invalidnosti kandidatu se dodjeljuje .....           | 5 bodova |
| 2) po osnovu invalidnosti roditelja kandidatu se dodjeljuje ..... | 2 boda   |

**Socijalni status porodice:**

- |   |           |
|---|-----------|
| 1) djetetu bez oba roditelja dodjeljuje se .....    | 10 bodova |
| 2) djetetu bez jednog roditelja dodjeljuje se ..... | 4 boda    |

**Volontiranje u SPKD "Prosvjeta":**

- |  |  |
|--|--|
| 1) zavisno od dužine i kvaliteta volontiranja kandidatu se dodjeljuje od 1 do 5 bodova po odluci komisije iz ovog Pravilnika |  |
|--|--|

**Zanimanja od značaja za rad Društva**

- |   |  |
|---|--|
| 1) za kandidate koji se školuju iz oblasti koje su od značaja za rad SPKD "Prosvjeta", o čemu odluku donosi Upravni odbor, kandidatu se dodjeljuju 3 boda |  |
|---|--|

**Član 24.**

Kada dva ili više kandidata, nakon obavljenog bodovanja ostvare isti broj bodova, prednost ima kandidat:

- 1) sa većom prosječnom ocjenom u prethodnoj školskoj/akademskoj godini,
- 2) na višim godinama studija,
- 3) volonter ili na drugi način aktivan u SPKD "Prosvjeta".

**Član 25.**

Za učenike prvog razreda srednje škole prosječna ocjena se uzima iz završnog razreda osnovne škole a za studente prve godine studija prosjek ocjena iz završnog razreda srednje škole.

## **Član 26.**

Ukoliko kandidat odustane od dodjeljenja stipendije ove Fondacije, stipendija se dodjeljuje slijedećem kandidatu s rang liste pod uslovom da u međuvremenu nije ostvario pravo na stipendiju, kredit ili drugi oblik novčane naknade koja ima obilježje stipendije.

## **VIII. PRAVA, OBAVEZE I ODGOVORNOSTI KORISNIKA STIPENDIJE I FONDA**

### **Član 27.**

Društvo sa stipendistom zaključuje ugovor o stipendiranju za tekuću školsku/akademsku godinu, kojim se regulišu međusobna prava i obaveze.

Ugovor o stipendiranju potpisuje stipendista a u ime Društva predsjednik Društva.

Ugovor o stipendiranju se sačinjava u tri primjerka od kojih dva zadržava Društvo a jedan se lično, uz potpis o prijemu, uručuje stipendisti.

### **Član 28.**

Stipendisti se dodijeljena stipendija uplaćuje na odgovarajući račun koji stipendista otvori kod banke, jednokratno ili u dva jednaka dijela, prema odluci Upravnog odbora Društva.

### **Član 29.**

Svaka od ugovornih strana, zbog povrede ugovornih obaveza, može jednostrano raskinuti ugovor o stipendiranju.

Društvo će jednostrano raskinuti ugovor o stipendiranju ukoliko ustanovi:

- 1) da je stipendista ostvario pravo na stipendiju na bazi netačnih odnosno neistinitih podataka,
- 2) da je napustio redovno školovanje ili izgubio pravo na njega,
- 3) da se bez opravdanog razloga ne odaziva na pozive za učešće u realizaciji planiranih aktivnosti SPKD "Prosvjeta".

### **Član 30.**

U slučaju jednostranog raskida ugovora o stipendiranju, stipendista je dužan u cjelosti vratiti primljene stipendije.

### **Član 31.**

Ukoliko stipendista izgubi status stipendiste, trajno gubi pravo na ovu vrstu stipendije.

### **Član 32.**

Stipendista se obavezuje na volonterski rad prema potrebi, a ne duže od deset sati u toku jednog mjeseca, tokom perioda za koji prima stipendiju.

Volonterski rad će se planirati i sprovoditi u saradnji sa SPKD "Prosvjeta".

U slučaju neopravdanog postupanja stipendiste suprotno odredbama ovog člana Društvo će jednostrano raskinuti ugovor o stipendiranju.

### **Član 33.**

Stipendista se obavezuje da će nakon okončanja školovanja i zasnivanja radnog odnosa raditi na afirmaciji i unapređenju ovog Društva, finansijski je pomagati u skladu sa svojim mogućnostima i doprinosti njenom trajnom opstanku i kontinuiranom stipendiranju generacija koje dolaze.

## **IX. ZAVRŠNE ODREDBE**

### **Član 34.**

Ovaj Pravilnik stupa na snagu danom donošenja i bit će objavljen na internet stranici SPKD "Prosvjeta" Sarajevo, te na oglasnoj ploči u prostorijama Društva.

Sarajevo, 28.05.2019.

PREDSJEDNIK UPRAVNOG ODBORA

Dejan Garić

SPKD „Prosvjeta“ Sarajevo

Sime Milutinovića Sarajlije 1

**Zahtjev za dodjelu stipendije učenicima i studentima za  
školsku/akademsku 2019/2020 godinu**

Prezime i ime učenika/studenta \_\_\_\_\_

Datum i mjesto rođenja \_\_\_\_\_

JMBG učenika/studenta \_\_\_\_\_

Prezime ime jednog roditelja ili staratelja \_\_\_\_\_

Naziv škole/fakulteta i razred/godina koja se pohađa \_\_\_\_\_

Adresa stanovanja \_\_\_\_\_

Kontakt telefon \_\_\_\_\_

E-mail adresa \_\_\_\_\_

Pod punom materijalnom i krivičnom odgovornošću tvrdim da su navedeni podaci tačni i saglasan sam da se podaci dostavljeni u dokumentaciji koju prilažem uz zahtjev mogu koristiti u postupku dodjele stipendija.

Datum

Potpis podnosioca zahtjeva

\_\_\_\_\_

\_\_\_\_\_

Napomena: Zahtjev potpisuje punoljetni kandidat, a ako je kandidat maloljetan zahtjev potpisuje roditelj ili staratelj

---

(prezime, ime jednog roditelja, ime)

---

(adresa stanovanja-ulica, broj, poštanski broj i mjesto)

---

(broj kontakt telefona, e-mail)

## IZJAVA

Ja, \_\_\_\_\_,  
(prezime, ime jednog roditelja, ime) pod punom moralnom, materijalnom i  
krivičnom odgovornošću izjavljujem da:

a) nisam korisnik stipendije po drugom osnovu, niti je neko od članova mog  
domaćinstva korisnik stipendije SPKD „Prosvjeta“ Sarajevo,

b) moje maloljetno dijete/pastorak/usvojenik/štićenik nije korisnik stipendije  
po drugom osnovu, niti je neko od članova domaćinstva korisnik stipendije  
SPKD „Prosvjeta“ Sarajevo.

(Zaokružiti opciju a) ili b) u zavisnosti od statusa kandidata)

Dana \_\_\_\_\_ 2019. godine

DAVALAC IZJAVE

---